



TEÂDTÕS EE'JJ 2017 KÂ'DDVAALIN

Lää'ddjânnam juâkkâätt koo'ddid, koin lij vuâđđlää'jj mie'ldd jiõččvaaldšem. Kåå'dd va'sttee määngain jälsteejid kuõskkjin aa'sšin.

Koo'ddi pââimõs mie'rreei organ lij aassji va'lljeem vä'lddõs. Vä'lddõõzz vuâssla le'be vä'lddõsnee'kk va'lljeet kâ'ddvaalin neelij ekka vuârai. Puõ'tti kâ'ddvaal liâ **pâ'sspei'v 9.4.2017.**

Kâ'ddvaalin vuei'tte jiõnsted da ä'lğged võborše'kken Lää'ddjânnam meerla di tiõttum oudldõõzzin kåå'ddest jälsteei jee'res jânnmi meerla. Jiõnstummuš lij Lää'ddjânnmest jiõččvääldlaž.

Ahvenanmaa mäddkåå'dd vuu'dest jeät õ'nnu kâ'ddvaalid tän ee'jj 2017.

Jiõnstemvuõiggâdвуõtt – kii vuäžž jiõnsted

Vuäžžak jiõnsted kâ'ddvaalin, jõs leäk Lää'ddjânnam le'be koon-ne jee'res Euroop unio'ne kuulli jânnam, Islaannt le'be Taarr meerlaž da teâudak puõ'tti oudldõõzzid:

- teâudak mââimõõžžâst vaalpei'vven (9.4.2017) 18 ee'kked
- tu'st lij dommkå'dd Lää'ddjânnmest mââimõõžžâst 17.2.2017

Jõs leäk mõ'ne jee'res jânnam meerlaž, vuäžžak jiõnsted kâ'ddvaalin, jõs

- teâudak mââimõõžžâst vaalpei'vven (9.4.2017) 18 ee'kked
- tu'st lij leämmaž dommkå'dd Lää'ddjânnmest pue'tkķeekani põõššjen uu'ccmõsân kuei't ee'jj ääi'j ouddâl 17.2.2017

Dommkå'dd meä'rtââvv dommkåå'ddlää'jj vuâđain. Tääu'jmõsân dommkå'dd lij tõt kâ'dd, ko'st jälstak.

Ee'jj 2017 kâ'ddvaalin dommkå'dd meä'rtââvv tõn mie'ldd, mii kâ'dd lij mie'rķķuum jiõnsteei dommkå'dden narodregister-riâššmõ'sše 17.2.2017 čiâss 24.

Taarbšeen vuäitak ta'rķķeed dommkå'dd teâđ maistraattâst

Kå'ddvaalin vuäžž jionsted tá'lk jiijjâs dommkåâ'dd vöboršee'kk.

I'Immtös jionstemvuöiggâdвуöđâst puätt domoi

Narodregisterköösköš da maistraatt â'nne jionstemvuöiggâdвуöđtregisteer, ko'st liâ puki jionstemvuöiggâdвуöđtnee'kki teâđ.

Jionstemvuöiggâdвуöđtregisteeera ij taarbâž i'Immtööttâd jeä'rben.

Maistraatt vuöłttad mââimöözzâst **16.3.2017** i'Immtöözz jionstemvuöiggâdвуöđâst le'be i'Immtöskoort juâkksi'žže jionstemvuöiggâdвуöđtnekka, keän addrös lij teâđast. I'Immtöskoortâst liâ vuä'ppöözz jionstummšest.

Vaalââ'ntemvuöött – kii vuäžž lee'd vöboršee'kken'

Leäk vaalânnsaž le'be vuäitak ä'lğged vöboršee'kken tuu dommkåâ'dd kå'ddvaalin, jös teâudak puö'tti oudldözzid:

- kå'dd, ko'st joordak ä'lğged vöboršee'kken, lij tuu dommkådd
- tu'st lij jionstemvuöiggâdвуöđt koon-ne kåâ'ddest
- jiök leäkku väjjväälDSAž le'be peâmmam vue'lnn ârrai.

Mâtam valdia ve'rğgoummu da kåâ'dd jââ'dteei ve'rğgoummu da tuâjjla jiâ leäkku kuuitâg vaalânnsa.

Vöboršee'kki piijmmöš kå'ddvaalid

Kå'ddvaalin vuei'tte piijjâd vöboršee'kkid

- registöllum paa'rti
- jionstemvuöiggâdвуöđtnee'kk, kook liâ vuâđđääm va'lljeemöhttöözz,

Va'lljeemöhttöözz alttummša taarbšet kåâ'dd jâlsteedin uu'ccmösân låâi jionstemvuöiggâdвуöđtnee'kked, måttmin uu'ccab koo'ddin pâi kolmm le'be vitt jâlsteedi.

Kuöi'test le'be määngast paa'rtest lij vuöiggâdвуöđt raajjâd vaal-lett.

Kuöi'test le'be määngast va'lljeemöhttöözzâst lij vuöiggâdвуöđt raajjâd öhttsažlistt.

Paa'rtest, vaal-leettast le'be öhttsažlisttâst vuäžža lee'd kåâ'ddest jäänmösân pie'llneb vuâra töt mie'rr gu kâ'll vä'lddösnee'kk va'lljeet. Vä'lddöözzid va'lljeet kåâ'dd aassilâggast šödde'l uu'ccmösân 13–79 vä'lddösnee'kked.

Ķeä'st-aa vöboršee'kkest lij jiijjâs nâamar. Vöboršee'kkin raajât pö'mmja teâddum vöboršekliisti kuállas, koozz vöboršee'kk miärkat nâamarjiärgâst ää'ljee'l nâamrest 2. Vöboršee'kk liâ kuällsest jerruum paa'rti mie'ldd da öhttsažliisti mie'ldd. Juö'kk vöboršee'kkest kuällsin liâ puö'tti teâđ: nõmm, vöboršeknâamar da ämmat. Lââ'ssen vöboršekliisti kuällsest šâdd ölmmsa

- kook paa'rti liâ raajjâm vaal-leett
- kook va'lljeemõhttdõzz liâ raajjâm õhttsazliist
- kook paa'rti jiâ kuul vaal-littu.
- kook võboršee'kk liâ õhttsazliist aâlgbeä'Inn aârrai võboršee'kk

Võboršekliisti kuallas raajât 9.3.2017.

Jiõnstemäi'j

Jiõnsted vuaitak vaalpei'vven pâ'sspeei'v 9.4.2017 le'be ouddâl vaalpeei'v ouddkiõ'tte jiõntummšest. Jiõnsted vuaitak tâ'lk õõt vuâra. Kuei't vuâra jiõnstummšest lij šiõttuum polstjõs kriminaal-lää'jjest.

Ouddkiõ'tte jiõnstummuš:

Ouddkiõ'tte jiõnstummuš älgg **seärad 29.3.2017**.

Ouddkiõ'tte jiõnstummuš poott älggjânnmest **sue'vet 1.4.2017** da Lää'ddjânnmest **mââibaarg 4.4.2017**. Måttmin ouddkiõ'tte jiõnstempai'kin lij vuä'nkab jiõnstemäi'gğ.

Jiõnsted vuaitak oudbeä'Inn koon ouddkiõ'tte jiõnstempäi'kest haa'lääk dommjânnmest le'be älggjânnmest. Ouddkiõ'tte jiõnstempäi'k liâ

- dommjânnmest koo'ddi mie'rreem ouddkiõ'tte jiõnstempäi'k, tääu'jben ouddmiârkkan koo'ddi pravlee'nn'ja le'be pää'st
- määng Lää'ddjânnam ee'ttkâ'sttdõzz älggjânnmest
- stroitte'l, mâ'te hospitaal, sosiaalhuõl tuâimmjemjuâkkaz da polstjemstroitte'l. Stroittlin vuei'tte jiõnsted tâ'lk to'ben häiddamnalla aârrai le'be tõk valddum persoon.
- dommjânnam käärab, kook liâ älggjânnmest ouddkiõ'tte jiõnstem poodd. Käärbest vuäžž jiõnsted tâ'lk käärab personkâ'dd, määtkla jiâ vuei't jiõnsted käärbest.

Jiõnstummuš vaalpei'vven:

Vaalpeei'v jiõntummuš lij **pâ'sspeei'v 9.4.2017** čiâss **9–20**.

Vuaitak jiõnsted vaalpei'vven tâ'lk tõn kää'ddest da tõn jiõnstempäi'kest, kää'tt lij mie'rkkuum tu'nne vuõlttuom i'Immtõsko'rtte

Dommiõnstummuš:

Jiõnstemvuõiggâdvuõttneķ, koon liiksummuš lij pannvâai le'be mõõn-ne jee'res vaiggâdvuõđ tue'kķen, ij-ga piâzz mõõnnâd takai jiõnstempäikka, vuäitt jiõnsted dâama ouddkiõ'tte jiõnstempoddân. Dommiõnstummuša älgg i'Immtõõttâd mââimõõzzâst **mââibaarg 28.3.2017** ouddâl čiâss 16.

I'mmtõõttmõš tuejjeet dommkåå'dd kõõskõsvaal-lu'vddkådda. Seämma täälást jälsteei roodnairuådpeammai vuäitt tiõttum oudldõõzzin jiõnsted še seämma vuâra.

Näâi't jiõnstak

Jiõnstumuš tuejjeed jiõnstemsââ'jest. Vuäitak jiõnsted tâ'lk õõut võboršee'kk, kââ'tt lij mie'rkkuum jiijjad kââ'dd võboršekliisti kuällsa.

1) Tuõðâšt personvuõðad vaalve'rğğnekka le'be çuä'jet paass, personkoort, vuejjamkoort le'be jee'res va'stteei ä'sškee'rj. Vaalve'rğğnek oudd tu'nne jiõnstemliipp.

2) Mõõn jiõnstemsâjja. Jiõnstemsââ'jest vuäžž lee'd tâ'lk õhtt jiõnsteei.

3) Pii jiõnstemli'ppe tøn võboršee'kk nââmar, koon jiõnstak. Vuäžžak jiõnsted tâ'lk õõut võboršee'kk. Nââmarpäi'kk lij kruuggtum jiõnstemliipp sii'skbeä'lnn da tieu'd kruugg võboršee'kk nââmrin. Jeä'l ceert jiõnstemli'ppe ni mâi'd jee'res, leša tâ'lk võboršee'kk nââmar. Pii jiõnstemliipp mäccad nu'tt, što nââmar kuâððai sii'skbeälla. Näâi't seilltak vaalkäittmõõžž.

4) Viigg mäccad pijjum liipp vaalve'rğğnekka. Vaalve'rğğnek šteemplâstt liippad

5a) Jõs jiõnstak vaalpei'vven, kõõççâd šteemplõsttum liipp vaalçõkka.

5b) Jõs jiõnstak ouddkiõ'tte jiõnstummšest, vaalve'rğğnek oudd vaalkuõr, koozz pijjak šteemplõsttum liipp da li'jmmjak vaalkuõr kidd.

Jõs jiõk jiõçç pââst tiuddeet jiõnstemliipp, vuäžžak ââ'nned jiõnstummšest va'lljuum vie'kkteei le'be vaalvie'kkteei. Vie'kkteei ij vuäžž lee'd võborše'kken åarra person. Vie'kkteejest lij peittastââ'nnemõõlgtummuš, što son seillad vaalkäittmõõžž le'be âân jiõnstem õhttvuõðâst vuäžžam teâðaid peittlõõzzâst.

Lââ'ssteâð

- Lââ'ssteâðaid vaalin oudd kââ'dd kõõskõsvaal-lu'vddkådd. Personlaid jiõnstemvuõiggâdvuõð kuõskkjid kõõççmõõžžid va'ststat maistraatt. Kuhttu adrõõzz da te'lfon-nââmar liâ i'lmtemkoortâst.
- Ouddkiõ'tte jiõnstempaai'ki adrõõzz da äv vaiårramäai'j, võboršekregister di jee'res teâð vaalin liâ vuõiggâdvuõttministeria vaalseeidain adrõõzzâst **www.vaalit.fi**.
- Teâð kâ'ddvaali võboršee'kk'in liâ vuõiggâdvuõttministeria vaalseeidain pâ'zzlâštammannu alggbeä'l mõõnee'st da teâð ouddkiõ'tte jiõnstempaai'kin oððee'jjmannu looppâst.

Narodregisterkõõskõs 7.11.2016